



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-247-5/21**
Datum: **01.07.2021. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „SESTRE“ d.o.o. Velika Kladuša, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Barake, općina Velika Kladuša, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Stav (1) Zakona o upravnom postupku (Službene novine Federacije BiH“, broj: 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „SESTRE“ d.o.o. Velika Kladuša, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Barake, na zemljištu označenom kao k.č. broj: 891/3 K.O. Grahovo (novi premjer), odnosno k.č. broj: 908/2 K.O. Mala Kladuša (stari premjer), općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa pratećim sadržajima (za koje je izdano odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, kapaciteta 2x40 m³.
 - 3.3. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema zaključenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – izmješteno korito Vidovskog potoka.
 - 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.7. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.8. Korisnik predmetnog objekta je dužan izvesti okno za uzorkovanje na cijevnom vodu neposredno iza uređaja za tretman otpadnih voda, a prije ispuštanja prečišćenih voda u predviđeni recipijent te

- izvršiti uzorkovanje otpadnih voda sukladno članu 19. stav (4) Uredbe o ispuštanju otpadnih voda u okoliš i sisteme javne kanalizacije.
- 3.9. Prečišćene oborinske onečišćene vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.10. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.11. Talog iz separatora kao ni ostali opasni materijal i otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „SESTRE“ d.o.o. Velika Kladuša je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „SESTRE“ d.o.o. Velika Kladuša, obratilo se ovoj Agenciji dana 31.05.2021. godine zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Barake, Općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana dokumentacija:

- Ovjerena kopija aktuelnog izvoda iz sudskog registra, izdan od strane Općinskog suda u Bihaću, Matični broj subjekta upisa: 1-4380-00, dana 24.09.2019. godine (prva strana),
- Ovjerena kopija Uvjerenja o poreznoj registraciji, Poslovna jedinica Glavica bb Velika Kladuša izdano dana 09.12.2010. godine, od strane Federalnog ministarstva finansija - finansija, Porezne uprave – Kantonalni ured UNSKO-SANSKOG KANTONA,
- Ovjerena kopija uvjerenja o registraciji/upisu u Jedinstveni registar obveznika indirektnih poreza; izdan od strane Uprave za indirektno-neizravno oporezivanje Bosne i Hercegovine pod brojem: 04/1-17-1-35-470-13/10, dana 27.12.2010. godine, u Banjaluci,
- Ovjerena kopija Uvjerenja o poreznoj registraciji, izdano dana 24.01.2012. godine od strane Federalnog ministarstva finansija - finansija, Porezne uprave Federacije BiH – Kantonalni porezni ured BIHAĆ,
- Kopija naloga za plaćanje upravne pristojbe,
- Kopija Rješenja, kojim se odobrava d.o.o. „SESTRE“ iz Velike Kladuše da kao investitor može početi sa izgradnjom objekta benzinske pumpe sa pratećim sadržajima u naselju Glavica, na zemljištu označenom kao k.č. broj 891/3 K.O. Grahovo po novom i k.č. broj 908/2 K.O. Mala Kladuša po starom premjeru; izdano od strane Općinskog načelnika općine Velika Kladuša pod brojem 05/1-23/2-144/04, dana 23.08.2004. godine,

- Kopija rješenja o vodnoj dozvoli, izdano od strane AVP Sava pod brojem: UP-I/25-3-40-080-7/16, dana 08.04.2016. godine,
- Kopija rješenja o obnovljenoj okolišnoj dozvoli, kojim se izdaje obnovljena okolišna dozvola operatoru „SESTRE“ d.o.o. Velika Kladuša za objekat benzinske pumpe koja se nalazi u naselju Barake, na zemljištu označenom kao k.č. broj 891/3, k.o. Grahovo, kapaciteta spremnika za gorivo 80 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem: 11-23-5093-UP-1/16, dana 14.09.2016. godine, u Bihaću,
- Kopija rješenja, kojim se daje urbanistička saglasnost „Sestre“ d.o.o. iz Velike Kladuše za izgradnju benzinske pumpe sa pratećim sadržajima u naselju Glavica, na zemljištu označenom pod k.č. br. 891/3 K.O. Grahovo, a u skladu sa Prostornim planom Opštine Velika Kladuša ("Sl. glasnik opštine Vel. Kladuša", br. 11/86); izdano od strane Odjeljenja za urbanizam Službe prostornog uređenja i resursa Opštine Velika Kladuša pod brojem: 05/1-23/1-245/2003 G/M, dana 17.12.2003. godine,
- Kopija Preventivnog plana sprječavanja nesreća većih razmjera, Benzinska stanica Glavice- Barake, Poslovna jedinica br. 3, urađen decembra 2020. godine, u Velikoj Kladuši,
- Kopija Izvještaja o monitoringu kvaliteta i kvantiteta otpadnih voda benzinske pumpe „SESTRE“ Velika Kladuša – Barake; urađen od strane Inspekt - RGH d.o.o. Sarajevo pod brojem: 81/20 od 11.02.2020. godine,
- Zaključak o visini i roku za plaćanje posebnih troškova; izdano od strane Agencije za vodno područje rijeke Save Sarajevo pod brojem: UP-I/25-3-40-247-3/21, dana 14.06.2021. godine te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „SESTRE“ d.o.o. Velika Kladuša, u naselju Barake, općina Velika Kladuša, i tom prilikom sačinjen zapisnik o uviđaju broj: UP-I/25-3-40-247-4/21, dana 28.06.2021. godine.

Objekt benzinske pumpe sa pratećim sadržajima „SESTRE“ d.o.o. Velika Kladuša je lociran u naselju Barake, sa desne strane regionalne ceste R403b Bihać – Tržačka Raštela – Velika Kladuša.

Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorom, upravnim prostorijama, podzemnih čeličnih dvoplašnih spremnika za gorivo, te manipulativnog asfaltiranog prostora i zelenila. Objekt se nalazi na ravnom terenu, sa internim saobraćajnim i pretakališnim površinama na čijem su ulazu i izlazu sa platoa na regionalnu cestu ugrađeni ulični slivnici, a na razdjelnici pretakališnih od manipulativnih površina su ugrađene linijske slivne rešetke.

Gorivo se drži uskladišteno u ukopanim spremnicima sa dvostrukom stijenkom i primjenom sistema automatske dojava o procurenju međuplašnog prostora ukupne zapremine 80 m³.

Sanitarne otpadne vode iz objekta upravne zgrade su kanalizacionim cijevnim sistemom priključene na septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom odvedene do ispusta u korito Vidovskog potoka, koji protiče uz predmetnu parcelu. Zauljene - onečišćene oborinske vode, koje nastaju na prostoru internih saobraćajnih i pretakališnih površina, se ispuštaju također u korito Vidovskog potoka, nakon tretmana u separatoru ulja i masti. Manipulativni prostor za tankovanje i pretakanje je betoniran.

Uvidom na internet stranici geoportal.ba, vidljivo je da je uz predmetnu parcelu izvršeno izmještanje korita Vidovskog potoka (vodotok II kategorije). Prema neslužbenim podacima na navedenoj stranici, na dijelu zatrpanog korita je izvršeno cijepanje te je istoj dat broj k.č. 1982/3, posjed – dr. sv. javno dobro vode. Dio korita uzvodno od predmetne lokacije nosi oznaku k.č. broj 1982/1, a nizvodno od predmetne lokacije označen kao k.č. broj: 1982/2. Sa druge strane korita je zemljište označeno kao k.č. broj: 927/7, u posjedu operatora predmetnog objekta. Dio korita između navedene dvije k.č. je zatrpan i koristi se za parkiranje teretnih vozila. Za izmješteno korito potoka je izvršeno cijepanje k.č. broj 891/2 (u posjedu operatora) te k.č. broj 891/4, u posjedu privatnog lica, sa suprotne strane regionalne ceste, nakon toga se potok vraća u svoje prirodno korito, zemljište označeno kao k.č. broj: 1982/2. Sve navedene k.č. se nalaze u K.O. Grahovo. Uvidom u priložene akte o građenju za predmetni objekt nema podataka da su za navedenu aktivnost uređenja vodotoka izdana odgovarajuća vodna akta niti rješenje o ukidanju javnog vodnog dobra na prostoru zatrpanog korita Vidovskog potoka.

Priložen je izvještaj o mjerenju kvaliteta otpadnih tehnoloških voda, urađen februara 2020. godine, koji pokazuje da su parametri u okviru dozvoljenih vrijednosti propisanih Uredbom.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih

vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdato ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „SESTRE“ d.o.o. Velika Kladuša, ispunio minimum uslova za izdavanje vodne dozvole te je riješeno kao u dispozitivu ovog rješenja. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „SESTRE“ d.o.o. Velika Kladuša, Đure Pucara Starog bb, 77 230 Velika Kladuša,
- Ⓢ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava